


Mr. Newton's Letter of April 13. 1672. st. v. written to the Publisher, being an Answer to the fore-going Letter of P. Pardies.

— *A*cepi *Observationes Reverendi Patris Ignatii Pardies in Epistolam meam de Lucis Refractionibus & Coloribus ad Te conscriptam: quo nomine me illi valde devinctum agnosco; atque hoc difficultatibus, quas proposuit, eluendis rescribo. Imprimis ait, longitudinem solaris Imaginis à refractione Prismatis effectam non alia indigere causā, quam diversā radiorum ab oppositis partibus solaris aīsi profluentium incidentiā, adeoque non probare diversam refrangibilitatem diversorum radiorum. Et, quō assertionis ejus veritatem confirmet, ostendit casum, in quo ex diversa incidentia 30 minutorum, differentia refractionis potest esse 2 grad. 23. min. vel etiam paulo major, prout exigit meum experimentum. Sed ballucinatus est R. P. Nam refractiones à diversa parte Prismatis quantum potest inæquales statuit, cūm tamen ego tum in experimentis, tum in calculo de experimentis istis inito, aequales adhibuerim, ut in Epistola præfata videre est. Sit ergo ABC Prismatis sectio ad axem ejus perpendicularis, FL & KG radii duo in x (medio foraminis) decussantes & in Prisma illud incidentes ad G & L; sintque eorum refracti GH & LM, ac denuo HI & mn. Et*



cum refractiones ad latus AC aequales esse refractionibus ad latus BC quam proximè supposuerim; Si AC & BC statuantur aequalia, similis erit radiorum GH & LM ad AB basin Prismatis inclinatio, adeoque ang. CLm = ang. CHG & ang. CMl = ang. CGH. Quare etiam refractiones in G & m aequales erunt, ut & in L & H; atque

atque ad eò ang. $KG A = \text{ang. } n m B$, & $\text{ang. } F L A = \text{ang. } B H I$; & proinde refractorum HI & $m n$ eadem erit ad invicem inclinatio ac est incidentium radiorum FL & KG . Sit ergo angelus $F \times K$ 30 min. æqualis nempe solari diametro, & erit an u. us, quem HI & $m n$ comprehendunt, etiam 30 min. si modo radii FL & KG æqualiter res frangibiles statuantur. At mihi experienti prodiit angulus ille circiter 2 grad. 49. min. quem radius HI , extrellum violaceum colorem, & $n m$, cœruleum exhibens, constitueret ac proinde radios illos diversimodè refrangibiles esse, sive refractiones secundum disparem sinuum incidentia & refractionis rationem peragi necessario concedendum est.

Addit præterea R.P. quod non sufficit ad obeundum ritè calculum, ex longitudine imaginis impactæ in Chartam subtrahere magnitudinem foraminis fenestræ; quandoquidem etiam posito foramine indivisibili, adhuc fieret aliud veluti foramen latum in posteriori superficie prismatis. Mihi tamen videtur, his non obstantibus, quod refractiones radiorum, in anteriori æquè ac in posteriori superficie Prismatis decussantium, ex adhibitis principiis possint ritè computari. Sed si res secùs esset, latitudo hiatus in posteriori superficie, quod ad instar foraminis est, haud efficeret errorem duorum minutorum secundorum; & in rebus practicis non operæ pretium duco ad minutias istas attendere.

Illi insuper experimento, quod Crucis vocaveram, nihil adversatur R.P., dum contendit, inæquales radiorum, diversis coloribus imbutorum, refractiones ex inæqualibus incidentiis effectas fuisse. Nam radii per duo admodum parva, ab invicem distantia & immota foramina, transuentibus, incidentia illæ, prout ego experimentum instavi, omnino æquales erant, & tamen refractiones liquido inæquales. Sin ille de experimentis nostris dubitet, oro, ut radiorum diversis coloribus præditorum refractiones ex incidentiis paribus mensuret, & sentiet inæquales esse. Si modus ille, quem ego ad hoc negotium adhibui, minus placeat (quo tamen nullus potest esse luculentior,) facile est alios excogitare; sicut & alios ipse haud paucos cum fructu expertus sum.

Contra Theoriam de Coloribus obiecitur, quod pulveres diversorum colorum permitti non candidum sed subfuscum & fuscum colorem exhibent. Mihi vero albus, niger, & omnes intermedii fuscæ, qui ab albo & nigro permitti componi possunt, non specie coloris sed quantitate lucis tantum differre videntur. Et cum in miscione pigmentorum, singula corpuscula non nisi proprium colorem reflectant, adeoq; maxima pars

paris lucis incidentis supprimatur & retineatur ; lux reflexa sub obscuritate evadet, & quasi cum tenebris permista, adeo ut non intensum alborem, sed qualiter nigredinis permixta conficit, hoc est. fusum, exhibere debeat.

Obiicitur deinde, quod à liquoribus quibus cunque diversi coloris in eodem vase commixtis, & quæ ac in diversis vasis contentis, opacitas oriendi debet, quod tamen, ait, verum non esse. Sed non video consequentiam. Nam plurimi liquores agunt in se invicem, & novam sibi mutuo partium contexturam secreto inducunt ; unde opaci, diaphani, vel variis coloribus, ex coloribus permixtorum nullo modo oriundis prædicti evadere possunt. Et hæc de causâ experimenta hujusmodi minus apta semper existimavi, à quibus conclusiones deduci possint. Subnoto tamen, quod ad hoc experimentum requiruntur liquores saturis & intensis coloribus prædicti, qui per paucos nisi proprii coloris radios transmittant ; quales raro occurrunt, ut videbitur illuminando liquorum cum diversis coloribus Prismaticis in obscurato cubiculo. Nam pauci reperientur, qui in propriis coloribus satis diaphani apparent, inque alienis opaci. Convenit præterea, ut adhibiti colores sint inter se oppositi, quales existimo fore rubrum & cæruleum, vel flavum & violaceum, vel etiam viridem & purpureum illum qui coccineo affinis est. Et ex hujusmodi liquoribus nonnulli (quorum partes tingentes non congradientur) fortasse permixti evadent opaciiores. Sed de eventu nihil sum sollicitus, tum quod luculentius est experimentum in liquoribus seorsim existentibus, tum quod experimentum illud (sicut & Iridis, Tincturæ Nepbriticæ, & aliorum corporum naturalium phænomena) non ad probandam sed ad illustrandam tantum doctrinam proposui.

Quod R. P. Theoriam nostram Hypothesin vocat, amicè habeo, siquidem ipsis nondum confit. Sed alio tamen consilio proposueram, & nihil aliud continere videtur quam proprietates quasdem Lucis, quas jam inventas probare haud difficile existimo, & quas si non verae esse cognoscerem, pro futili & inani speculatione mallem repudiare, quam pro mea Hypothesi agnoscere. Quid verò censi mereatur, ex responsionibus ad animadversiones Domini N. N. fortasse statim prodituris clarius patebit. Interea vale, & perge amare

Tibi devindissimum

J. Newton

Two